



Vogošća, ul. Jošanička, br. 80; tel: 00387 33 586 413, fax: 586 418

Broj: 07-14-971/19  
Vogošća, 18.06.2019. godine

Na osnovu člana 69. stav 2. tačka tačka e) Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 18.06.2019. godine donio je

**ODLUKU  
O PONIŠTENJU POSTUPKA NABAVKE RADOVA NA IZGRADNJI SAOBRAĆAJNICE I MOSTA  
PREKO RIJEKE VOGOŠĆE U NOVOJ INDUSTRIJSKOJ ZONI**

**Član 1.**

Poništava se Otvoreni postupak nabavke radova na izgradnji saobraćajnice i mosta preko rijeke Vogošće u Novoj industrijskoj zoni broj: 07-14-971/19, jer je cijena jedine formalno-pravno prihvatljive ponude veća od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14).

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 14.05.2019. godine donio Odluku o pokretanju Otvorenog postupka nabavke radova na izgradnji saobraćajnice i mosta preko rijeke Vogošće u Novoj industrijskoj zoni, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 16.05.2019. godine pod brojem: 1353-1-3-110-3-76/19.

Sažetak Obavještenja o nabavci objavljen je u "Službenom glasniku BiH" broj: 36/19 od 24.05.2019. godine.

Tendersku dokumentaciju sa Portala javnih nabavki BiH je preuzelo 17 (sedamnaest) ponuđača. Krajnji rok za dostavu ponuda bio je 10.06.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 10.06.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-971/19 iz maja 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Termo-beton" d.o.o Breza i "Citaprodukt" d.o.o. Visoko	1.198.645,52	/	/	1.402.415,26
2	"Špic beton" d.o.o. Zenica	1.098.240,73	/	/	1.284.941,65
3	"Mibral" d.o.o. Sarajevo	1.320.829,88	/	/	1.545.370,96
4	"MGBH" d.o.o. Sarajevo	1.159.023,54	/	/	1.356.057,54

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Špic beton" d.o.o. Zenica ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 (dva) lica, SSS saobraćajne struke-III stepen, smjer rukovalac građevinskim mašinama (KV rukovalac građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokazi za 2 (dva) lica, SSS saobraćajne struke-III stepen, smjer rukovalac građevinskim mašinama (KV rukovalac građevinskim mašinama) dostave Diplome/Svjedočanstva o završenoj traženoj stručnoj spremi kao i dokazi o radnom angažmanu, uz napomenu da dokazi koji se dostavljaju moraju biti originalni ili ovjerene kopije.

Ponuđač "Špic beton" d.o.o. Zenica je u svojoj Ponudi (strana 89-91. Ponude) kao dokaz za traženo dostavio Diplomu o završenoj Stručnoj mašinsko-rudarskoj školi Zenica broj: 63/04-III-18 od 17.06.2004. godine izdatu od strane Stručne mašinsko-rudarske škole u Zenici, kojom se dokazuje da je uposlenik ponuđača Šabanović Ajdin završio Stručnu mašinsko-rudarsku školu i stekao zanimanje rukovalac rudarske mehanizacije površinskog kopa.

Komisija za javne nabavke smatra da je Ponuđač "Špic beton" d.o.o. Zenica dostavljanjem prethodno pomenute Diplome propustio da dostavi dokaze za smjer tražen tačkom 7.4.1. pod b) TD, a kojom su jasno zahtjevani radnici SSS saobraćajne struke-III stepen, smjer rukovalac građevinskim mašinama (KV rukovalac građevinskim mašinama).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Mibral" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Na strani 73. Ponude ponuđač "Mibral" d.o.o. Sarajevo je u Obrascu za cijenu ponude-Aneks 2 propustio da popuni jediničnu cijenu za stavku pod rednim brojem 49-nabavka i ugradnja 4 komada slivnika &60 za procjednu vodu kao i ukupnu cijenu iste stavke. Na taj način ponuđač je postupio protivno zahtjevu ugovornog organa da se za svaku stavku u ponudi mora navesti cijena, što znači da svaka rubrika mora biti brojčano popunjena.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "MGBH" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod c) TD je propisano da su ponuđači u svrhu ispunjavanja zahtjeva iz tačke 7.4.1 pod c) TD dužni dostaviti između ostalog i Izjavu na obrascu ponuđača da imaju u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c) TD.

Ponuđač "MGBH" d.o.o. Sarajevo je u svojoj Ponudi (strana 135-137. Ponude) dostavio popis sredstava rada i opreme na svom obrascu (tehnička opremljenost), međutim isti je propustio da dostavi drugi zahtjevani dokaz, tj. propustio je da dostavi Izjavu na obrascu ponuđača da ima u posjedu odgovarajuće građevinske mašine (mehanizaciju) i opremu potrebne za izvođenje predmetnih radova.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda grupe ponuđača "Termo-beton" d.o.o. Breza i "Citaproduct" d.o.o. Visoko ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude grupe ponuđača "Termo-beton" d.o.o. Breza i "Citaproduct" d.o.o. Visoko, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da ponuda grupe ponuđača "Termo-beton" d.o.o. Breza i "Citaproduct" d.o.o. Visoko sa ukupnom ponuđenom cijenom u iznosu od 1.198.645,52 KM bez uračunatog PDV-a, prelazi procijenjenu vrijednost nabavke koja iznosi 1.100.000,00 KM bez uračunatog PDV-a, Komisija za javne nabavke je zaključila da je ukupni iznos dat u predmetnoj ponudi veći od osiguranih sredstava za predmetnu nabavku u iznosu od 98.645,52 KM bez uračunatog PDV-a odnosno 115.415,26 KM sa uračunatim PDV-om.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na izgradnji saobraćajnice i mosta preko rijeke Vogošće u Novoj industrijskoj zoni, iz razloga jer je cijena jedine formalno-pravno prihvatljive ponude veća od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Termo-beton" d.o.o. Breza
2. "Špic beton" d.o.o. Zenica
3. "Mibral" d.o.o. Sarajevo
4. "MGBH" d.o.o. Sarajevo
5. Nadležnoj Službi
6. U dosije
7. a/a

032/789-051

032/456-147

033/656-680

033/763-110

OPĆINSKI NAČELNIK

  
Edin Smajlić